



UNIVERSITÄTS-
BIBLIOTHEK
PADERBORN

Divi Thomae Aqvinatis Doctoris Angelici Opera Omnia

Summa diligentia ad exemplar Romanæ Impreßionis restituta
Complectens Primam Secundæ, & Secundam Secundæ Summæ
Theologiæ

Thomas <von Aquin, Heiliger>

Venetiis, 1593

Qvaestio Cl. De præceptis cæremonialib. veteris legis secundum se.

[urn:nbn:de:hbz:466:1-72759](https://nbn-resolving.org/urn:nbn:de:hbz:466:1-72759)

Circa primum, queruntur quatuor.

- ¶ Primo, Que sit ratio preceptorum ceremonialium.
- ¶ Secundo, Vtrum sint figuralia.
- ¶ Tertio, Vtrum deberint esse multa.
- ¶ Quarto, De distinctione ipsorum.

ARTICVLVS PRIMVS.

Vtrum ratio preceptorum ceremonialium in hoc consistat, quod pertinent ad cultum Dei.

AD PRIMVM sic proceditur. Videtur, quod ratio preceptorum ceremonialium non in hoc consistat, quod pertinent ad cultum Dei. In lege. n. veteri dantur Iudaeis quaedam precepta de abstinentia ciborum, ut patet Leuit. 11. & etiam de abstinento ab aliquibus uestimentis, secundum illud Leuit. 19. Vestem, quae ex duobus texta est, non indueris. & iterum quod praecipitur Num. 15. Ut faciant sibi simbras per angulos palliorum: sed huiusmodi non sunt precepta moralia, quia non manent in noua lege: nec etiam iudicialia, quia non pertinent ad iudicium faciendum inter homines. ergo sunt ceremonialia: sed in nullo pertinere uidentur ad cultum Dei. ergo non est ceremonialium preceptorum ratio, quae pertineat ad cultum Dei.

¶ 2. Præ. Dicitur quidam, quod precepta ceremonialia dicuntur illa, quae pertinent ad solemnitates, quasi dicerentur a cereis, qui in solemnitatibus accenduntur: sed multa alia sunt pertinentia ad cultum Dei præter solemnitates. ergo uidetur quod legis precepta ceremonialia non ea ratione dicantur, quia pertinent ad cultum Dei.

¶ 3. Præ. Secundum quosdam, precepta ceremonialia dicuntur, quasi normae, id est, regulae salutis. Nam eherein greco idem est quod salus: sed omnia precepta legis sunt regulae salutis, & non solum illa quae pertinent ad Dei cultum. ergo non solum illa precepta dicuntur ceremonialia, quae pertinent ad cultum Dei.

¶ 4. Præ. Rabbi Moyses dicit, quod precepta ceremonialia dicuntur, quorum ratio non est manifesta: sed multa pertinentia ad cultum Dei habent rationem manifestam, sicut Sabbathi obseruatio, & celebratio Phasae, scenopogie, & multorum aliorum, quorum ratio assignatur in lege. ergo ceremonialia non sunt, quae pertinent ad cultum Dei.

SED CONTRA est, quod dicitur Exod. 18. Esto populo in his quae ad Deum pertinent, ostendasque populo ceremonias, & ritum colendi.

RESPON. Dicendum, quod sicut supra dictum est, ceremonialia precepta determinat precepta moralia in ordine ad Deum: sicut iudicialia determinat precepta moralia in ordine ad proximum. Hō autē ordinatur ad Deum per debitum cultum, & iō ceremonialia proprie dicuntur, quae ad cultum Dei pertinent. Ratio autem huius nominis posita est supra, ubi precepta ceremonialia ab aliis sunt distincta.

AD PRIMVM ergo dicendum, quod ad cultum Dei pertinent non solum sacrificia, & alia huiusmodi, quae immediate ad Deum ordinari uidentur, sed etiam debita preparatio colentium Deum ad cultum ipsius: sicut est in aliis, quae unquam sunt preparatoria ad finem, cadunt sub scientia, quae est de fine. Hmōi autē precepta, quae dantur in lege de uestibus, & cibis colentium Deum, & alijs hmōi, pertinent ad quandam preparationem ipsorum ministratiū, ut sint idonei ad cultum Dei: sicut etiam specialibus obseruantis aliqui utuntur, qui sunt in ministerio regis. unde etiam sub præ-

A ceptis ceremonialibus continentur.

AD SECVDVM dicendum, quod illa expositio nominis non uidetur esse multum conueniens, praesertim cum non multum inueniatur in lege, quod in solemnitatibus cerei accenderentur, sed in ipso etiam candelabro lucernae cum olio oliuarum preparabantur, ut patet Leuit. 24. Nihilominus tamen potest dici, quod in solemnitatibus omnia alia, quae pertinebant ad cultum Dei, diligentius obseruabantur, & secundum hoc in obseruatione solemnitatum omnia ceremonialia includuntur.

AD TERTIVM dicendum, quod nec illa expositio nominis uidetur esse multum conueniens: nomen enim ceremoniae non est graecum, sed latinum. Potest dici tamen, quod cum salus hominis sit a Deo, praecipue illa precepta uidentur esse salutis regulae, quae hominem ordinant ad Deum, & sic ceremonialia dicuntur, quae ad cultum Dei pertinent.

AD QVARTVM dicendum, quod illa ratio ceremonialium est quodammodo probabilis, non quia ex eo dicantur ceremonialia, quia eorum ratio non est manifesta, sed hoc est quoddam consequens, quia enim precepta ad cultum Dei pertinentia oportet esse figuralia, ut infra dicitur, in de est quod eorum ratio non est adeo manifesta.

ARTICVLVS II.

Vtrum precepta ceremonialia sint figuralia.

AD SECVDVM sic proceditur. Videtur, quod precepta ceremonialia non sint figuralia. Pertinet enim ad officium cuiuslibet doctoris, ut sic pronunciet, ut de facili intelligi possit sicut Aug. dicit in 4. de doctrina christiana, & hoc maxime uidetur esse necessarium in legislatione, quia precepta legis populo proponuntur, unde lex debet esse manifesta, ut f. l. dicit. si igitur precepta ceremonialia data sint in alicuius rei figuram, uidetur inconuenienter tradidisse huiusmodi precepta Moyses, non exponens quid figurarent.

¶ 2. Præ. Ea quae in cultum Dei aguntur, maxime debent honestatem habere: sed sacre aliqua facta ad aliqua representanda, uidetur esse theatrii, siue poetici. In theatrii enim representabant olim per aliqua quae ibi gerebantur, quaedam aliorum facta. ergo uidetur quod huiusmodi non deant fieri ad cultum Dei: sed ceremonialia ordinantur ad cultum Dei, ut dictum est. ergo ceremonialia non deant esse figuralia.

¶ 3. Præ. Aug. dicit in Ench. quod Deus maxime colitur fide, spe, & charitate: sed precepta quae dantur de fide, spe, & charitate, non sunt figuralia: ergo precepta ceremonialia non debent esse figuralia.

¶ 4. Præ. Dominus dicit Io. 4. Spiritus est Deus, & eos qui adorant eum, in spiritu & ueritate adorare oportet: sed figura non est ipsa ueritas, immo contra se inuicem diuiduntur. ergo ceremonialia quae pertinent ad cultum Dei, non debent esse figuralia.

SED CONTRA est, quod Apo. dicit ad Col. 2. Nemo iudicet uos in cibo, aut in potu, aut in parte dici festi, aut Neomeniae, aut Sabbathorum, quae sunt umbra futurorum.

RESPON. Dicendum, quod sicut iam dictum est, precepta ceremonialia dicuntur, quae ordinantur ad cultum Dei. Est autem duplex cultus Dei, interior, & exterior. Cum enim homo sit compositus ex anima & corpore, utrunque debet applicari ad colendum Deum, ut scilicet anima colat interiori cultu, & corpus exteriori. unde dicitur in Ps. 83. Cor meum, & caro mea exultauerunt in Deum uiuū. & sicut corpus ordina-

Inf. q. 103. ar. 1. co. & q. 104. ar. 2. & locis ibi citatis. Cap. 4. & c. 10. 10. 3. 11. 5. c. 26.

ar. prac. e. 3. in princ. 10. 3.

ar. preced.

tur

